



職方典第七百四十三卷

淮安府部彙考三

淮安府山川考二

贛榆縣

夾谷山在縣西四十餘里左傳公會齊侯于夾谷杜預註夾谷卽祝其也太史公曰景公與定公好會夾谷服虔註東海祝其縣是也祝其縣在治西五十里夾谷在祝其東北十五里俱贛榆縣境內或因歸汶陽之田疑魯地按山東志惟嶧縣北七十里有夾山而非夾谷且無會齊侯說按春秋公至自夾谷齊人來歸鄆謹龜陰田鄆謹龜陰雖皆汶陽田然歸田在至自夾谷之後非會汶陽而歸也 秦山在海中去岸四十里舊傳秦始皇登此求神仙勒石而去石至今存山前名碁子灣山後有二石人千佛寺娘娘廟山西南水底有神路三十餘里闊數尺由岸直抵山謂始皇築洪波浸激迄今不圯也潮退路雖不見而水淺可涉其中竹木青葱四時不改珍禽異卉塵世未有一拳石浮蕩於億萬里天光水色中絕非人間遊覽按一統志此

山乃蒼梧飛來一峯故今猶有南地花草 吳山在縣西北三十餘里山峯獨秀雲氣時出

或自山腰以下雨以上則晴左脅壁立千仞巖壑幽奇龍脉東行結縣舊傳吳姓居此歿而靈  
異唐封顯惠王爲建廟遇旱禱輒應廟後有遺塚山巔有泰山行宮浴佛日四方鱗集 子

貢山在縣西三十里端木氏讀書處有隴書臺 紀鄆山在縣西七十里按春秋齊師伐莒

傳曰莒子奔紀鄆山卽此 大金山城正北面環其上縣治踞之山形陂敞三級而彌高天

成治址也啟重門而閭闔仰拱登譙樓則山海俯臨署之雄麗職此 小金山在縣北二十

里朱江鎮河逼其北 小鬲山在縣東北四十里海中孤峯獨秀漢田橫與其徒五百人入

海壘石爲城于此 武強山在縣南三十里舊傳山下人黃雄率衆禦寇一方賴之歿而廟

祀號白馬將軍以武名山以志不忘 懷仁山在縣北四十里後魏置懷仁縣以此 車

幅山在縣西四十里有石高四丈傳爲繫馬石 泊船山在縣北四十里山有石如船長

一丈六尺 攔頭山在縣東北七十里海邊山東有石遮攔海浪山西有石洞相傳陳姓仙

人煉丹處 阿夜山在縣東北七十里海邊與攔頭山相對山西有水簾洞海霧烟雲晝昏

如夜

丁髻山在縣東北七十里兩峯相對

高家山在縣北四十里

澁金山在縣

西四十里

土山在縣西南五十里上有石鹿東望

塌山在縣西三十里

青山在

縣北四十餘里舊贛城在其北

末山在縣西南七十里

羽山在縣西南八十里舜典

雍繇於羽山卽此府志屬海州縣舊志據逸史誤入贛榆

東海在縣東十五里卽大海海

在縣境南北凡一百四十里西通於河凡九口東不可紀極魚鹽之利歲以數萬舟楫沿岸而

南則新壩等處北則安東衛等處東則朝鮮日本皆一望無際順治十四年海船禁康熙元年

鹽場革海之在榆魚鹽之利遂廢

玉帶河在縣西北眾山雨集之水瀾漫東下至劉贊村

滙成渠逶迤環抱一里之內凡數環環將週乃折去去復環如此者凡數十達於城環其西北

而東又如此不知凡幾十始入海環若帶然是曰玉帶形家善之歲久湮淤城以西河體具而

有水處纔十一以東涓流不斷倘力事疏鑿俾上流得收眾水之注卸下流得納大海之潮汐

河身隨龍與治親近豈不利哉

小沙河在縣南六里源出山東莒州上接沐河下由青口

鎮入海

青口河在縣南十餘里卽小沙河下流

唐生團河在縣南十五里

掘頭

河在縣南十餘里城子村舊傳秦漢時以地有王氣掘之後成河 朱稽河在縣南二十五

里通門接河由仙丘向東流舊有水溝五道洩水今盡淤 大沙河舊名廟灣子沙河在縣

南五十里源自山東鄒城縣從大沙河鎮東入海雨集水漲商船可行沿河有隄 臨洪河

在縣南六十里通海州銀山壩舊微河元末湮塞明景泰間知府丘陵疏導通海舟楫甚便今

復塞宜濬 孫家河在縣東南四十五里武強山諸湖之水由東入海 五龍王廟河在

縣東南六十里通鹽場入海 堯水在縣西南八十五里源自山東沂州經縣入海 大

石橋河榆治發脉吳山山出泉因勢東趨迤邐數十里由治北八里外直去入海明萬曆十五

年知縣樊兆程嫌其反背於大石橋築隄以障東流開鑿引水南下工方半以內召去繼此知

縣徐應元因所濬益深之河水已至北城門外與玉帶河滙再沿玉帶而東濬未接海潮僅三

百丈又以內艱去繼此海州同知顧署事釐榆終厥功兩河之水會潮于海風氣一變後奸民

壞隄水仍東奔不復南注今水雖不通而河道猶在 朱汪河在縣北二十里 龍王河

在縣東北二十里卽朱汪河下流 石橋河在縣北四十里 石洋河在縣北五十里今

塞 柘汪河在縣北五十里 分水河在縣北六十里 巨頭河在縣北七十里今塞

荻水河在縣北七十里源自山東莒州 劍水在縣北七十里源自山東沂州三壩山東流

經縣境入海 分泉在縣北七十里分水嶺水由石頂射出高尺許東西分流近爲安東衛

人侵去鑿壞石頂水不射不分且塞其西流而分水一鎮遂做 西觀井在西門外祐慶觀

前泉甘不竭

邳州

葛嶧山在州西北十里禹貢嶧陽孤桐卽此前漢書地理志註云葛嶧山在西古文以爲嶧陽  
後漢書郡國志曰葛嶧山本嶧陽山註云山出名桐伏滔北征記曰今藥根徃徃而存許氏說  
文曰葛嶧山在東海下邳夏書曰嶧陽孤桐經典昭然如此俗名距山以爲與沂水相距也非  
是又晉人葛洪曾煉丹其上故名葛嶧山 小山在州正北七里有林樹望若華蓋

石埠山在嶧山北上有林木可觀 十步山在葛嶧山後以逼山麓故名 唐宋山在嶧

山東北去州二十五里昔有唐宋二姓人居之故名上有石泉甚清冽 宿羊山在城西南

四十五里 大町山在城西南二十八里 大黃山在石埠山北去州十五里 小黃

山在大黃山北形勢相連故名 朱山在大黃山東北蓋山之餘也世傳有朱相公廟故名

今毀 土山在州西北三十里黃河墊淤里人聚居其上月有數集 虎丘山去土山八

里其山最小狀若伏虎今淤無跡因民居而存其名 過滿山在州西北五十里舊志云泐

口有良城俗謂之梁王城相傳王之女南泛官湖看蓮舟中孕子遂留于此匝月而還因名其

山 虎丘山在城南六十五里 葺山在州西北九十里上有唐時藏梅寺基 東埠

山在州西北九十里 王母山在州西北一百里世傳有王母墓故名 熊耳山在州西

北一百里 韓家山在州西北一百里 神王山在州西北一百里上有禹廟 呦鹿

山在城東北五十里 橋頭山在城西北二十里 黃石山在州北一百一十里有黃

石公廟 穀城山在州北一百二十里穀城後故名 艾山在州東北一百里接山東沂

水縣界因產艾故名左傳齊侯會于艾山卽此 小山在州北一百里與艾山相並而小故

名 連防山在州北一百一十里山下有古防路與艾山相接故名 倚宿山在州西北



一百一十里世傳韓信經此倚山而宿

顯陽山在州西北九十里其山高聳朝陽故名

勝陽山在州西北一百二十里其山高聳秀麗勝於顯陽故名

登高山在州北一百二十

里 王家山在州西北一百四十里

憂路山在州東北一百四十里其山高峻過者憂

之故名

鐵佛山在州北一百五十里上有三鐵佛故名

茅墩山在州西十八里此下

諸山今分睢寧界內因原屬邳故仍載之

半戈山在州西南五里山下舊有雲峯寺卽地

湧金蓮處

羊山在州西南三里南面黃河上有宗善禪寺成化八年太監徐瑛請敕賜名

殿宇宏麗遊人登眺題詠刻石甚多

廟防山在城東五十五里

青羊山在城西南三

十里

龐家山去城八十五里

鳳凰山在州西四十里

交龍山

白山在州西

三十里

甘家山

澗頭山在州西四十五里

李牛山在州西五十里

劉湖山

在州西五十五里

陟背山在州西三十里

東黃山在州西北六十里世傳爲黃石公

所居故名

西黃山在州西六十里與東黃山相對故名

磬石山在州西八十里與泗

水相近禹貢泗濱浮磬或以爲此山卽古取磬之地

泗河在州南二里卽泗水禹貢其源



出魯沛縣桃墟其源有四道由西南過徐又東過下邳合沂武二水東至清河縣又會淮水東入海今爲黃流淤塞入會通河合流東至宿遷入黃河 城子河在州北五十里其源自沂

州蘆塘湖流經營河入武今武河已淤城子河微有其跡 曲呂河在州東二十里源自壩

頭入洪河會直河同歸于泗其流濼泗因名 武河在州西北五十里其源出自山東嶧縣

馬旺山許家泉經流偃武鄉入蛤湖至乾溝口入泗久爲黃流淤塞 沂河在州西一里經

沂水縣流至下邳西南入泗今爲黃河淤塞至貓兒窩入會通河按縣志沂河出自嶧山經沂

州沂水縣南流至受賢鄉分派一枝出盧口西流二里許復分二枝一經城南會武河二十五

里入運一經官湖出徐塘口入運其本枝南流至趙家莊社各溝亦分二枝一經砲車繞廟防

山歸駱馬湖一經龍池隔頭歸駱湖二水舊俱由臧家口入運今以運堤築俱歸駱湖入運矣

直河在州東四十里自求纓湖分派南流入泗河直而不迂故名今泗已併于黃河直河淤塞

洪河在州東南三十里見前曲呂河下 營河在州北一百里自沂州抱犢澗泃溝考究泉

流入武河今武河已淤營河入運河南流 黃墩河出自南旺湖由徐州荆山口至全河汴

塘入邳境歷彭家河分成子河歸沙溝湖至貓兒窩入運 龍化河分源泗河在貓兒窩西

南去城五十里今淤沒無跡 西泖口河在州西北一百五十里今淤沒 漕河卽運道

自山東臺莊達州東南歷泖口鎮徐塘口貓兒窩馬莊集萬家莊窰灣口由宿遷旱河口入河

引河去城二十里出自沂州抱犢湖經黃石山泖口考究泉入運 黃河在州南二里自彭

城過邳南經宿及海達海自邳割地與睢寧河本不在邳以歲修夫役邳人任之故著河防并

存其名於此 清水河在州護城隄南董家堂北中通城河然水本無源因停注已久邳州

盡爲所沉二郡無不苦之按縣志清水河卽舊黃河南岸屬睢寧北岸屬邳州自順治初年塘

池壩塞始由今河而清水河迄今猶存 隅頭河在州東十里自北隄來沂水所出 鰻

湖在州西北二十里水自武河洩流水多生鰻故名今淤已久 蛤湖在州西北二十五里

自武河洩流水多生蛤故名今淤已久 官湖在州北五十里其源出自沂州蘆塘湖中有

蓮藕菱芡之屬今淤已久 漆井在州北一里石崇別墅 項羽井在州西南石崇碑云

項井在下相城 葛洪井在葛嶧山頂洪煉丹於此

宿遷縣

馬陵山去舊治北二里高十五丈周廻二里自山東迤邐八百餘里至新治基而止高聳為一

邑雄觀上有玉虛觀後有極樂庵華嚴庵 靈傑山在舊治西北一里馬陵餘脉也 三

台山在縣北二十里三峯突聳勢若連珠堪輿家以為新縣治之主山云 張山在縣北三

十五里高二丈周二里餘 峒嵒山在縣北七十里高百丈許周廻十五里漢名縣上有古

洞口琢石為螭水自螭口噴出不涸宋守領張榮屯此山以拒金人 釜山去縣三里其下

有普化禪林 五華峯在峒嵒山南 斗山在五華山南 塔山去縣九十里其山高

數丈周廻十數里築土城于上相傳為五代郭彥威屯兵處 峯山在斗山南高五十餘丈

峯巒崒崒石磴巉巖明嘉靖二年建泰山行祠四方崇祀朱山在下相去治西七里漢朱買臣

之別墅也民耕治日久止存土阜有朱山相公行祠 運河舊在縣西二十步濟汶沂泗諸

水合流自直河入境經小河會黃河自古城入桃源界 小河在縣南十里源出汴入泗

阜河去河北四十里出本縣港頭社下流入泗以土色黑故名 白洋河在縣南四十里西

南一百二十里通虹縣汴河巨津瀾漫望之如洋故名

侍丘湖在縣東十里周廻三十餘

里水由草狼溝入河多產魚蝦爲淮北第一名東湖

上泊水湖在縣東三十里由武家溝

入河 白鹿湖在縣西南五十里由小河入運河

駱馬湖在縣西北十里由董家溝陳

瑤溝以入運河

潼溝湖在縣西北一百里

雷家湖在縣西北六十里

巴頭湖在

縣西北八十里

白湖在縣西北九十里

張皮湖在縣西北七十里

丁家湖在縣

西北五十里

黃龍湖在縣西五十里

朱衣湖在縣西四十里

溲沱湖在縣西北

二里馬陵山西

茅滋湖在縣東南二十里受侍丘湖水由響水溝流入運河

準子湖

在縣西四十里多出魚蝦爲商賈市利之所

倉基湖在縣東南三十里周廻四十五里相

傳晉石崇建倉貯糧之處故名

諸葛湖在縣治西北八十里每春月陰晦時常有城池觀

市見出俗傳諸葛屯兵於此故名

蓮子湖在縣三十里運河之西以其產蓮藕故名

管坊湖在縣北四十里周廻三十里歲旱卽通車馬實爲青齊要路伏秋之間泥淖難行明萬

曆丙申知縣何東鳳命道人張濟耆民于嘉仕修路建橋鋪石其上

園田湖在縣北八十

里 東港頭陂在縣西北四十里 西港頭陂在縣西北三十里二陂皆積雨所蓄無洩

龍泉溝出峒嵒山下東入沱河西入阜河 草狼新溝去舊治南三里臨淮門外洩侍丘湖

兩岸皆民園圃雜植桃杏諸花二三月間紅白掩映沿流泛舟可比蘭亭之勝後皆為沙淤塞

明萬曆三年知縣喻文偉挑濬 陳窰溝在縣西二里 戴家陂在舊治東四十步中有

洲雖水漲不沒為宿預蚤春鍾吾八景此其一焉

睢寧縣

羊山在縣北五十里舊黃河之南岸山勢鬼峨上有古刹下枕漕渠為睢鉅觀今黃河一帶新

開於山之南而前後迴繞尤為奇賞 張龍山在縣西北七十里上有張龍神廟下有一穴

深約三丈闊一丈五尺三面俱石障上有石蓋甚巖飭狀若塋壙其後有晉介子推墓旁有小

陵名曰綿山 九頂山在縣西五十里脉接太嶽勢趨濠梁高峯有九雲蒸即雨上有展雄

殿舊址諸峯環抱中可伏萬人怪石嶙峋古澗陡峻 馬兒山在縣西五十里其形似馬上

有仙洞古泉 劉湖山在縣北七十里昔劉湖將軍寓此故名 半戈山在縣北五十七

里長互如半戈然 李牛山在縣西北七十里形如臥牛 青羊山在縣西北七十里

澗頭山在縣西北七十里下有大澗 無帽山在縣西北七十里 小黃山在縣西北二

十五里 大黃在縣西北七十里 白山在縣西北七十里 茅墩山在縣北七十里

王家山在縣西北七十里 鳳凰山在縣西五十里山形似鳳時出慶雲 大花山

小花山俱在縣西五十里二峯相連 牙山在縣西北七十里嵯峨高聳其形似牙 官

山在縣西南二十里 白路山在縣西五十里昔仙姑修道於此其往來之路自麓至頂石

白如玉遙望數十里 李家山在縣西北六十里 軸山在縣南三十里上有二郎廟

鯉魚山在縣西五十里狀似躍鯉 銀錠山在縣西南三十三里 嵐山在縣西四十里

上有天妃祠 仙掌山在縣西六十里上有仙掌痕尺餘 金山在縣西南二十里

趙爾山在縣西南三十里 英公山在縣北七十里唐英公李世勣葬此 宋家山在縣

西南二十五里 大湖山 小湖山在縣西南三十三里二山相聯 金馬墩在縣南

二里遇陰雨時隱隱見金馬之狀故名 九女墩在縣西南二十里昔九女兜土葬親而成



故名 白龍墩在縣南一里枕白龍溝 白蓮墩在縣南半里 白羊墩在縣西南四

里 朱八墩在縣東二十七里 臥牛墩在縣西二里以上俱淤平 鞍子墩在縣東

南七十里形似馬鞍故名 宅墩在縣東半里每歲迎春於此 史家墩在縣東二十里

姚兒墩在縣西南四十里以上俱見存 黃河在縣西北五十里上自鯉魚山下至小河口

環繞泛溢雖人世受其害順治年間塌民田三十餘里衝斷遙月等堤一十八道康熙二年河

決武官營三年復決朱官營猖獗奔潰有衝城奪漕之勢官民受累二十餘年知縣馮應麒主

簿宋文耀修築堤月堤二道水患稍平康熙三年知縣石之致允主簿宋文耀建議自陳家油

房前開濬引水河長五百四十五丈順流東下復歸故道南涉之河近將淤塞雖民困稍舒而

隄防之策尤不可不加意云 孟家灣口在縣北四十里水勢洶湧掃塌南岸遂成大灣康

熙元年口決縣東北一帶盡為汪洋知縣馮應麒主簿宋文耀修築隄防水患暫平近年以來

河水衝淤舊堤平薄亦睢邑隱憂也按睢寧沿河一帶歲修處所各有定號自靈璧而東如焦

段武朱四營皆屬邳地而睢寧歲為修防自邳州東南水玉二堡皆屬睢地而邳州歲為修防



分工清數詳在碑記

濉水西自靈璧東入睢寧界歷孟山潼郡以至子仙鎮余家渡蜿蜒

五十餘里直趨縣治西經埭頭北過廟灣再東則抵高作耿車而盡於小河口入黃河焉盈盈衣帶水自漢迄明歷數千載睢人之利賴良多萬曆年間淤塞殆盡知縣申其學開濬民甚便之天啟二年黃河衝決水泛沙積遂成平陸舟楫不通邑人困乏

泗河在縣西北七十里

卽禹貢所謂泗濱浮磬也源有四泉出山東泗水縣西南過彭城經下邳入于淮後因黃河南涉遂兼併之而泗河之名不存矣

泃河在縣西北七十里

合湖在縣西北七十里

沂水南入黃河故名近葛嶧山又名葛湖

楓山湖一名陶河湖在縣東北三十里

瀆湖在縣東南四十里由找溝東入小河

白塘湖在縣西北三十五里

隱隱湖在縣西北五十里

蔡上湖在縣西北三十里

五龍湖在縣南二十五里

龍塘湖在縣西南二十里

白龍溝在縣南一里

西白蓮溝在縣東北三十里入小河

葫蘆套溝在縣北一里入小河

三里溝在縣東

五里溝在縣東

找溝在縣東南二十八里

泥溝在縣西三十里入小河

戚家溝在縣北十三里入小河

東白蓮溝在縣

東北三十里

郭家溝在縣西二十里

史家溝在縣東北十八里

芹溝湖在縣東

二十里

水利附

本府

山陽縣附郭

石閘在新城北明洪武十年建今廢爲水關

甄閘

南鎖壩宋運糧由此至洪澤入淮

明洪武十年開菊花溝以通舟楫此閘廢

仁字壩

義字壩俱在新城東門外東北自

城南引湖水抵壩口外卽淮河遇清江口淤塞運船經此車過壩東絳路西則城基

智字

壩 信字壩相聯禮智壩舟楫通行

清江壩在府西北三十里清江浦之東明正德六

年開過清江口淤塞卽經此達淮然近歲瀕連水患淹築轉移不常

滿浦壩在府北門外

四里地接審溝版閘歲澇不常長堤爲障

南鎖壩在府西南一里往寶應路

禮字壩

新城西門外

鹽城縣